

Chum hilfmer doch

Wo isch dr Wäg wo mich ad Sunnä bringt,
wo isch der Vogel wo sis Lied für mich singt?
Wo isch diä Hand wo mich füert wo mich treid,
wo isch diä Stimm womer tröschendi Wort seid?

**Refrain: O Herr chum hilfmer doch, ich schaffes nid älei,
 ich laufä im Dunklä und gfindä dr Wäg nümmä Hei.
 O Herr chum hilfmer doch, ich schaffs nid ohni dich,
 dr Wäg isch schmal und steil,
 gimmer d'Hand und füer doch mich.**

Wo isch dr Schlüssel wo diä gschlossnä Türä öffnet,
wo isch d'Antwort wo z'Gheimnis vom Rätsel lüftet?
Wo isch der Fadä, wo all mini Wundä neiht,
wo isch dr Troscht wo alles Verletztä heilt?

Refrain:

Wo isch z'Glück womer d'Freud am Läbä retour bringt,
wo isch d'Hoffnig das mis Läbä dochnu glingt?
Wo isch d'Chraft woni bruchä, um der Kampf wiiter z'kämpfä,
wo isch d'Geborgäheit wo d'Härti vom Läbä chle chönnt dämpfä?

Refrain: